



Broj/Broj 02,03/11-05-1-180/11

Sarajevo/Carađevo, 7.9.2011.godine

Kolegiju Doma naroda

Kolegiju Predstavničkog doma

Predmet: Izvještaj s 10. međunarodne ljetne škole na otoku Šipanu: Euroatlantske integracije – izazovi i perspektive, 29.8. – 3.9.2011.

Delegacija Bosne i Hercegovine, predvođena zamjenikom predsjedavajućeg Doma naroda Parlamentarne skupštine BiH Draganom Čovićem, aktivno je učestvovala u radu 10. međunarodne ljetne škole na otoku Šipanu: Euroatlantske integracije – izazovi i perspektive, održane 29.8. – 3.9.2011.

Međunarodna ljetna škola okupila je tridesetak mlađih lidera iz uprave, politike, nauke i medija iz Hrvatske i zemalja jugoistočne Evrope. Kroz brojna predavanja, rasprave i radionice mlađi lideri imali su priliku proširiti svoja znanja o budućnosti transatlantskih odnosa, NATO-u nakon Lisabona, energetskoj sigurnosti te regionalnoj saradnji u procesu pristupanja EU i NATO-u. Cilj ovih ljetnih škola je da mlađim liderima iz zemalja jugoistočne Evrope približi proces euroatlantskih integracija te podstakne dijalog i umrežavanje mlađih iz raznih zemalja.

U ime Bosne i Hercegovine, predavanje je održao Dragan Čović koji je polaznike upoznao s trenutnim političkim, sigurnosnim i ekonomskim odnosima u BiH. Ukazao je na problem nefunkcioniranja pravne države u BiH kao i problem neprimjenjivanja izbornih rezultata 11 mjeseci nakon izbora. Ukazao je na ustavnu neravnopravnost hrvatskog naroda u odnosu na druga dva konstitutivna naroda u BiH, te neophodnost izmjena izbornog zakona kako bi se osiguralo da legalni i legitimni predstavnici svakog naroda obavljaju izvršnu vlast na svim nivoima.

Informirao je prisutne o tome da je Bosna i Hercegovina trenutno u procesu traženja novih ustavnih rješenja, rukovodjena potrebom unapređenja demokratskih odnosa i ugrađivanja evropskih standarda, te potrebom da Ustav Bosne i Hercegovine rezultira funkcionalnim i simetričnim političkim sistemom vlasti, koji će osigurati mir, stabilnost i prosperitetnu budućnost za sve narode, nacionalne manjine i građane naše zemlje.

Osim dr.Dragana Čovića, predavanja su održali i drugi eminentni profesori: prof.dr.sc. Radovan Vukadinović, prof.dr.sc. Lidija Čehulić-Vukadinović, mr. sc. Kolinda Grabar-Kitarović, pomoćnica generalnog sekretara NATO-a i mnogi drugi. Predavanja su održana o sljedećim temama:

Pogled prema sastanku na vrhu NATO-a u Chicagu

Širenje NATO-a od neoliberalizma do neorealizma

Institucionalni okvir Zapadnog Balkana i euroatlantskih integracija

Bosna i Hercegovina i euroatlantski odnosi itd.

Na kraju predavanja održana je simulacija o temi "Multilateralni pregovori o budućnosti Bosne i Hercegovine".

Cilj simulacije bio je upoznavanje učesnika simulacije s razvojem situacije u Bosni i Hercegovine 15 godina nakon potpisivanja Dejtonskog sporazuma, posebno u svjetlu krize nakon Općih izbora u oktobru 2010. koja je rezultirala neformiranjem nove vlade Federacije BiH te raspravama o podjeli ministarskih funkcija u Vijeću ministara BiH. Naučni cilj simulacije, osim pružanja osnovnih informacija o unutrašnjem ustrojstvu i funkcioniranju Bosne i Hercegovine, usmjeren je na analizu uloge međunarodne zajednice te pronalaženje mogućih rješenja za efikasnije funkcioniranje Bosne i Hercegovine kao preduslova njenog članstva u Evropskoj uniji.

Zapisnik uradila:

Senaida Bešlagić

Sektor za međunarodne odnose i protokol

Zapisnik odobrio dr. Dragan Čović zamjenik predsjedavajućeg Doma naroda PS BiH